



Broj: 02-11-282/24-AP-2  
Dana, 23.08.2024.godine

Na osnovu člana 39. Statuta Općine Zavidovići ("Službeni glasnik Općine Zavidovići" broj: 5/08 i 5a/08 i 11/19), člana 12. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i Odluke o izvršavanju Budžeta Grada Zavidovići za 2024.godinu („Službeni glasnik Grada Zavidovići“ broj: 13/23), Gradonačelnik Zavidovića donosi:

### K R I T E R I J E

za subvencioniranje troškova prijevoza učenika srednjih škola  
koji koriste javni prijevoz na području Grada Zavidovići

#### Član 1.

Ovim Kriterijima utvrđuju se uslovi, način i postupak odobravanja sredstava iz Budžeta Grada Zavidovići za prvo polugodište školske 2024./2025. godine, sa Tekućeg transfera za subvencioniranje troškova prijevoza učenika srednjih škola koji koriste javni prijevoz na području Grada Zavidovići.

#### Član 2.

Sredstva iz člana 1. se koriste kao subvencija troškova kupovine mjesečnih karata učenicima koji ispunjavaju uslove za subvenciju prema ovim Kriterijima.

Subvencioniranje će se vršiti odobravanjem cjelokupnog ili dijela iznosa cijene mjesečne karte za sve učenike, koji ispunjavaju uslove, u njegovo ime, na račun roditelja učenika, po pripadajućem procentu subvencije u odnosu na cijenu karte prema važećim cjenovniku.

#### Član 3.

Subvenciju za troškove prijevoza radi pohađanja redovne nastave, mogu ostvariti učenici koji od najbližeg autobusnog stajališta u mjestu prebivališta do glavne autobuske stanice Zavidovići putuju tri i više kilometra ako su:

- Redovni učenici koji ne ponavljaju razred.

#### Član 4.

Po izdavanju mjesečne karte učenik istu dostavlja u nadležnu Službu kako bi mogao ostvariti pravo na subvenciju za mjesec za koji je kupljena mjesečna karta. Pravo na subvenciju se ne može ostvariti retroaktivno.

#### Član 5.

Subvencija se odobrava na nivou polugodišta ili za kraći period, utvrđivanjem iznosa subvencije cijene mjesečne karte po učeniku posebnom Odlukom na način iz člana 2. ovih Kriterija.

Sredstva će se odobravati Zaključkom Gradonačelnika ili rukovodioca Službe na osnovu posebnog rješenja o ovlaštenju, a isplata odobrenih sredstava vršit će se na bankovni račun roditelja ili učenika.

#### Član 6.

Kriteriji stupaju na snagu danom donošenja, a primjenjivat će se za prvo polugodište 2024./2025. godine.

Obradila:   
Selma Džaferović, dipl. politolog

Kontrolisao:   
Idriz Alihodžić, prof.

GRADONAČELNIK  
doc. dr. Hašim Mujanović

